

Goizeko zortzietan

I

Bi mila ta zortziko
azaroko hila;
hots egin didazue
azaldu nadila...
Pluma eta tintero,
teklatu ta sila,
aldi bat egingo det
gai berrien bila.



NAGORE LEGARRETA

IV

Eskubitik barrena
betiko listua!
Besteak atzerako
argia piztua...
lehen korapilo zena
orain kibiztua;
zeinek konponduko du
hemengo kristua!

II

Errimak nahi nituen
itsatsi katean,
bizitza eta xarma
ez doaz batean.
Bizilaguna nola
etxeko atean,
idea loratu zait
Nazional 1ean.

VII

Nor berearen faltak
ohi gaitu izutu;
berdin digu atasko,
obra nahiz inbutu.
Bi aukera ditugu,
bi argi izkutu:
asfaltoa zabaldu
edo gu istutu.

V

Ataskoak irensten
du mantso ta isil,
besterik ezin egin:
orduak bertan hil.
Zortzi metro koadroan,
denak gaude bil-bil;
lau buru, zortzi hanka
ta hamasei gurpil.

III

Abiatuta ezin
helmugara segi;
eguraldi gurea:
kazkabar ta ebi.
Ordizian labaindu
badira bi elbi...
goizeko zortzietan
Gipuzkoa geldi.

VI

Alegia ez bosna,
ez launa ez bina...
hemen pertsonak daude
autoak adina.
Eta gogoan hartu
biharko imajina:
armiarma sare bat
asfaltoz egina.

DOINUA: "Amerikara noa".